

ԿԱՐԻՆԻ ԶԻՆԱԳՈՐԾՈՒԹՅՈՒՆԸ XIX Դ. ՎԵՐՋԻՆ ԵՎ XX Դ.
ՍԿԶՐԻՆ*

Փ. Ն. ԶԻՆՏԱԼԱՐՅԱՆ

Ղինազորությունը կարևոր և շատ տարածված արհեստներից է։ Զենքերի հիմնական տեսակները երևան են եկել անհիշելի ժամանակներում¹։ Հայաստանի տարբեր վայրերում հայտնաբերված զենքերի նախնական տեսակներն ու գործիքները, որոնցով պատրաստել են զենքի այս կամ այն տեսակը, վառ ապացույց են Հայկական բարձրավանդակում առկա զինագործության, որը շուտ անջատվեց դարձնությունից և իր ենթաճյուղերով հանդերձ դարձավ առանձին արհեստ²։ Հայկական մատենագրական աղբյուրներում բազմաթիվ տեղեկություններ կան միջնադարյան Հայաստանի զորքի տեսակների մասին, որոնք կազմվում էին ըստ զենքի տեսակի³։ Միջնադարյան Հայաստանի զինագործության խոշոր կենտրոններ էին Դվինն⁴ ու Անին⁵։

Ղինազորությունը ևս, մյուս արհեստների նման, դարերի ընթացքում անցել է զարգացման բազմաթիվ փուլեր և աստիճանաբար հասել զարգացման նոր մակարդակի՝ XV—XVI դդ. հրազենի արտագրմանը։

Կարինը և իսլաթը զինագործության խոշոր կենտրոններ էին դեռևս միջնադարում. այնտեղ արտադրված զենքերի մի մասը արտահանվում էր տարբեր երկրներ⁶։ Գրականության մեջ Կարինի զինագործության մասին աննշան հիշատակություններ կան, որոնք գերազանցապես վերաբերում են զինագործության պատմությանը։

* Այս հոդվածի հեղինակը ուսումնասիրություններ կատարող գիտնական չէ։ Նա 1830 թ. Կաբինից Ախլցխա գաղթած Զիֆտալարյանների ընտանիքի վերջին շառավիղն է, որ անձամբ գրաչվել է իրենց տոհմական արհեստը հանգիստացող զինագործությամբ։

Նրա նախաճյուղերը, ինչպես և ինքը պատրաստում էին կայծքարի զարդարուն հրացաններ ու ատրճանակներ և այդ բնագավառում մեծ հռչակ էին վայելում Ախլցխայում և նրա շրջաններից դուրս։ Տարբեր ժամանակներում իրենց ձեռքի աշխատանքներով Զիֆտալարյանները մասնակցել են արհեստագործական աշխարհահանգեսներին և արժանացել բարձր գնահատականի ու խրախուսանքի։

Զիֆտալարյանների ընտանիքում սրբությամբ պահվում էին զինագործական արհեստի գաղտնիքները, որոնք ավագ սերնդից փոխանցվում էին կրտսերներին, բայց երբեք դուրս չէին գալիս իրենց ընտանիքի սահմաններից։

Այսօր այդ արհեստը դադարել է գոյություն ունենալուց և նրա վերջին ներկայացուցիչը՝ Փաշիկ Զիֆտալարյանը (ծնվ. 1900 թ.) ներկա հոգվածով հասարակության առաջ բաց է անում դամասկյան պողպատ պատրաստելու, զենքեր շինելու և դրվագելու հետաքրքիր արհեստի գաղտնիքները։

¹ С. А. Е с а я н, Оружие и военное дело древней Армении (III—I тыс. до н. э.). Ереван, 1966, стр. 5.

² Բ. Ն. Առաքելյան, Քաղաքները և արհեստները Հայաստանում 9—13-րդ դդ., Երեւան, 1958, էջ 142։

³ Նույն տեղում, էջ 143։

⁴ Կ. Գ. Ղաֆադարյան, Դվին քաղաքը և նրա պեղումները, Երևան, 1952, էջ 161։

⁵ Վ. Ա. Աբրահամյան, Արհեստները Հայաստանում 4—18-րդ դդ., Երեւան, 1956, էջ 67։

Արևելյան Հայաստանը Ռուսաստանին միացվելուց հետո Բարձր Հայքից տևողի ունեցած գաղթի հետևանքով (1829—1831 թթ.) զինագործությունը և մյուս արհեստները գաղթող արհեստավորների միջոցով տարածվեցին նրանց նոր բնակավայրերում՝ Ախլցխայում, Ջավախքում, Շիրակում⁶։

Արհեստավորական միություններն Ախլցխայում կոչվում էին էսնաֆու-թյուններ⁷։ Գաղթական կարենցիները պահպանեցին այդ էսնաֆույունները ընդհուպ XX դ. սկիզբը։ Նրանք աշխատում էին Ախլցխայում պահպանել իրենց ազգային կենցաղն ու սովորությունները, որի գլխավոր նեցուկը հենց տնայնագործ արհեստավորությունն էր իր էսնաֆներով⁸։ Մեծ համբավ ունեին Ախլցխայի հայ արհեստավորների արծաթյա և ոսկյա ցանցկեն առարկաները, որոնք տարածվում էին նաև ուրիշ բաղաձևերում⁹։

Գաղթող արհեստավորների թվում իրենց ընտանիքներով Ախլցխայում բնակություն էին հաստատել Չիֆտալարյան և Գեմշյան երկու զինագործ եղբայրները։ Նրանք բերել էին Կարինի զինագործության իրենց գործիքներն ու պատրաստման եղանակը և այն երկար ժամանակ սերնդ-սերունդ փոխանցելով, աշխատում էին Ախլցխայում։ Այդ գործիքները այժմ գտնվում են Ախլցխայի զավառագիտական թանգարանում, մի մասն էլ՝ երկու կայծքարով հրացան և մեկ շորսփողանի ատրճանակ, Հայաստանի պատմության պետական թանգարանում¹⁰։ Նրանց արհեստանոցի մասին նշում է նաև հնագետ Կ. Կ. Չուկաշվիլին¹¹։

Չիֆտալարյան եղբայրներից կրտսերը՝ Մկրտիչը, իր որակյալ, բարձր-արվեստ աշխատանքների և նորարարության համար բազմիցս արժանացել է Ռուսաստանում և Եվրոպայում կազմակերպված ցուցահանդեսների՝ ոսկե մեդալի և դրամական պարգևների։

3. Տեր-Միրաքյանը Ախլցխայով ճանապարհորդելիս հիացմունքով և դարմանքով է արտահայտվում Չիֆտալարյանների զինագործության մասին։ Նա գրում է. «Այս անգամ իմ ուշադրությունը գրավեցին պ. պ. Չիֆտալարյան եղբայրները, որոնք հասարակ միջոցներով և առանց մեքենաների շինում են ամենապատվական եվրոպական զենքեր։ Այնքան մաքուր և ընտիր ձեռակերտից են և միևնույն ժամանակ անհամեմատ դիմացկուն, որ գործարանից հանած ապրանքից անհամեմատ ավելի արժեք ունին։ Այս հասարակ արհեստավորների հնարագիտությունն ու տոկունությունը զարմանալի է»¹²։

Հայտնի է, որ Ալեքսանդր II և Նիկոլայ I ցարերը Բորժոմում եղած ժամանակ՝ 1860-ական թվականներին, նվեր են ստացել Մկրտիչ Չիֆտալար-

⁶ X. А. Вермишев, Экономический быт государственных крестьян в Ахалцихском и Ахалкалакском уездах Тифлисской губернии («Материалы для изучения экономического быта государственных крестьян Закавказского края», том. III, часть II, Тифлис, 1886, стр. 18).

⁷ Կ. Գ. Ղաֆադարյան, Մի փաստաթուղթ Ախլցխայի հայերի կենցաղի վերաբերյալ («Բանբեր Նրեանի համալսարանի», 1967, № 3, էջ 165)։

⁸ Նույն տեղում, էջ 166։

⁹ С. Гулишамбаров, Город Ахалцих («Сборник материалов для описания местностей и племен Кавказа», вып. XI, Тифлис, 1891, стр. 210).

¹⁰ Տե՛ս Հայաստանի պատմության թանգարան, ազգագրական ֆոնդ, №№ 7296, 7345, 7169.

¹¹ К. К. Чолокашвили, К истории оружейного производства Грузии, автореферат кандидатской диссертации, Тбилиси, 1961, стр. 3.

¹² 3. Տեր-Միրաքյան, Չմյուսնիայից Ալեքսանդրապոլ (փշրանք ուղևորի տպավորություններից, «Մոռ», 1890, № 9, էջ 1677)։

յանի պատրաստած կայծքարով հրացանը և կարաբինը: Այժմ այդ զենքերը պահվում են էրմիտաժի Կովկասի բաժնում:

Զիֆտալարյանների արտադրած զենքերը մեծ համբավ էին ձեռք բերել ոչ միայն Ախլցխայում, այլև ամբողջ Կովկասում: Լ. Զագուրսկին, որ XIX դ. վերջին ճանապարհորդել է Ախլցխայի շրջանով, հիացմունքով է արտահայտվում տեղի արհեստների, այդ թվում նաև զինագործության մասին: Նա գրում է. «Ախլցխան աչքի է ընկնում նրբագեղ մետաքսյա տրեզի պատրաստման, արծաթյա թելքաշ առարկաների արտադրության հետ մեկտեղ նաև ատրճանակների՝ հատկապես փորագրազարդ փողերի պատրաստմամբ»¹³:

Զինագործության առանձնահատկությունը, որի մեջ հմտացել էին Զիֆտալարյանները և սերնդեսերունդ փոխանցել միմյանց, զենքը ոսկյա տարբեր զարդամոտիվներով զարդարելն է՝ դամասկի աշխատանքը: Հրացանի փողն ու փակաղակը զարդարվում էր ոսկյա նուրբ թելերով, իսկ փայտյա մասերը՝ արծաթյա նախշազարդերով և ոսկրով: Հրացանի խզակոթի ծայրը՝ կոթունը և փողի մոտ վերջացող փայտային մասը պատրաստվում էր կետի ոսկորից, կարաբինի խզակոթի զնդաձև գլուխը՝ կետի ատամից:

Զիֆտալարյանների պատրաստած հրացանի շշի կեսը երկաթից էր, կեսը՝ հոնի փայտից: Թանկարժեք հրացանի ամրացնող զույգ օղակները պատրաստվում էին արծաթից, իսկ հասարակ հրացանինը՝ արուլրից: Հրացանի փողը սովորաբար ութանիստ էր, իսկ փոքր կարաբինինը՝ կլոր: Հստ որում՝ փողի բերանը պատրաստվում էր լայն, որպեսզի կրակելու ժամանակ մանրազնդակները ցրվեն:

Զինագործության համար հումք էին ծառայում դարբնության և պղնձագործության արտադրանքի մաշված բեկորները: Դրանք շիկացնում և ձուլում էին անհրաժեշտ քանակությամբ, ապա ծակում դարձնում փող: Փողը ծակելու համար հավաքած երկաթը տափակեցնում էին ցանկալի հաստությամբ կամ ամբողջական, կամ էլ առանձին հատվածներով: Խարտոց պատրաստելու դժվարությունը հաշվի առնելով՝ զինագործն աշխատում էր ձուլված երկաթից փող պատրաստել առանց խարտոցի: Սովորաբար խողովակը ստացվում էր 2 մմ հաստության թերթը ծռելու, եզրերը միմյանց միացնելու միջոցով: Նույն եղանակով ձուլված երկաթից պատրաստում էին նաև 8 մմ × 6 մմ չափսերի քառանկյունաձև ձողեր: Պատրաստած ձողի երկարությունը պետք է համապատասխաներ հրացանի փողին և այն պարուրաձև փաթաթվում էր խողովակի վրա, որից հետո փողի հետ միասին շիկացվում: Շիկացած երկաթի վրա լցնում էին ավազ կամ ծեծած եղբար, ապա շիկացած վիճակով հանում էին զնդանի վրա, երկու հոգով մուրճերի հարվածով դարձնում միաձույլ զանգված, որից հետո խողովակը դառնում էր սնամեջ: Երկրորդ պրոցեսում, շիկացնելուց հետո, մուրճի հարվածներով այն գարձ-

¹³ Л. Загурски й, Поездка в Ахалцихский уезд в 1872 г. Тифлис, 1873, стр. 24.


Ի դեպ, զինագործ Զիֆտալարյաններն ունեցել են իրենց քառանկյունաձև զինանշանը, միջնամասի Զիֆտալ փորագրությամբ: Զիֆտալարյանների պատրաստած զենքի տարածման մասին է խոսում նաև այն փաստը, որ նրանք ժամանակին հրավեր են ստացել փոխադրվել Անգլիա և այնտեղ զբաղվել իրենց արհեստով (հրավիրագիրը պահպանվում է Զիֆտալարյանների հաղապարտների մոտ):



Զինագործ Չիֆտալարյան եղբայրներն Ախլցխայում՝ ձախ կողմում նստածը վարպետ Մկրտիչն է, իսկ աջ կողմում՝ Հովհաննեսը, 1862 թ.



Չորս փողանի ատրճանակ. գործ Մկրտիչ Չիֆտալարյանի (Հղղթ)



Զինագործի գործիքներ. Ախլցխա, XIX դ. վերջ (Հղղթ)

նում էին ութանիստ Փողը ներսից ավելի կլորացնելու նպատակով ամրացվում էր հաստոցի վրա, որի համար օգտագործվում էր շորսանիստ գլխով սրածայր գործիք-ռայբերը, որին հաջորդում էր երկրորդ տեսակի ռայբերը՝ դարձյալ թառանիստ, բայց ոչ սրածայր, աննշան տրապեցիայի ձևով։ Սրա անկյունները ատամնավոր էին, որոնց շնորհիվ խողովակի ներսը կտրելով, լայնացնելով դարձնում էին ցանկացած չափի Գործածվում էին քառանկյունաձև ռայբերի մի քանի տեսակներ։

Փողի մաքրումը կատարվում էր թոփի կոշված գործիքով, որը արտաբին մասից խարտոց էր, իսկ ներսից ուներ երկայնակի ճեղքվածք։ Այդ ճեղքի մեջ դրվում էր սեպաձև փայտ, որի շնորհիվ գործիքը լայնանում էր և փողը լրիվ մաքրում։ Ութանիստ ձողի ամբողջ մակերեսը հղկվում էր խարտոցով, բայց ոչ ողորկ, որից հետո ստուգվում էր փողի ուղիղ վիճակը։ Այդ նպատակի համար գործածվում էր աղեղ կոշված գործիքը, որի թելը լատուսից էր, մի ծայրը ամրացված անշարժ աղեղին, մյուս՝ շարժական ծայրին ամրացվում էր անագի գնդակ։ Վերջինիս միջից հանում էին թելը և հագցընում փողի մեջ, ապա նորից ամրացնում իր տեղը։ Լույսի դիմաց պահելով, ձգված թելի միջոցով ստուգվում էր փողի ուղիղ լինելը։ Նկատված թեքությունը ուղղվում էր մուրճի հարվածներով։

Հաջորդ գործողությունը փողի մեջ առ ու ակոս փորելն էր, որի համար փողն ամրացվում էր համապատասխան՝ շեշխանի առլաբ հաստոցին։ Հաստոցի վրա վեց շարքով դասավորված թեք ատամների միջոցով, որը ծայրի պտուտակի շարժումով ոլորվելով մտնում էր փողի մեջ և դուրս գալիս, կատարում էր առ ու ակոս փորելու աշխատանքը, աստիճանաբար պտտվելով մինչև վերջին կետը։ Դրանից հետո փողը արտաքին մասից խարտովում էր ավելի մաքուր և յայսպիսով փողի պատրաստման աշխատանքն ավարտվում էր։


Հնում, Կարինում և Կարինից գաղթած վայրերում յուրօրինակ էր դամասկյան փող պատրաստելու ժողովրդական եղանակը. այդ նպատակով զինագործներն օգտագործում էին պողպատյա և երկաթյա անպետքացած կենցաղային առարկաներ (սղոց, գերանդի և այլն) կամ էլ դրանց բեկորները¹⁴։ Այդ մնացորդները դասավորում էին մեջ ընդ մեջ, ապա խոտի խրձի նման փոքրիկ խրձիկ էին անում մոտ 30 սմ երկարությամբ, կապում էին զինագործի պատրաստած երկաթյա թելով և շիկացնում, վրան լցնելով ավազ կամ ևռաքար։ Հալվածքը հանում էին և զնդանի վրա տափակացնում։ Այս եղանակով միաժամանակ պատրաստում էին երկար ձողեր 8 մմ X 6 մմ չափի, նույն ձևով փաթաթում, ինչպես հասարակ փողը։

Ջենքերը ոսկով և արծաթով զարդարելը ընդունված էր դեռևս միջնադարում, հատկապես իշխանական թագավորական զենքեռ պատրաստելիս։ Այստեղ կարևոր էր զարդանախշեր կատարելու եղանակը, որի համար կիրառվում էր ծծմբախմորը, որով պատում էին փողը, փաթաթում կտորով և տաքացնելու նպատակով տեղավորում փթրոցի մեջ՝ պահելով 8—10 ժամ։ Մծումբը քայքայում էր երկաթե մասերը, իսկ պողպատայինը մնում էր մաքրից հետո երևում էին նախշերը։

¹⁴ К. К. Чолокашвили, указ. раб., стр. 19.
Լրաբեր 3—7

Մաղկանախշերի բազմազանությունը կախված էր պատրաստման եղանակից: Զարդանախշերի համար ձուլլ ոսկուց պատրաստում էին գրեթե մազի հաստությամբ թել: Փողի վրա սրածայր երկաթի ձգաճաղով նկարում էին ցանկացած զարդանախշը: Նուրբ հատիչի միջոցով խորացնում էին նախշագծերը և դրանց մեջ ստեղծում խարտոցի նման ատամներ: Այդ գծանախշերի մեջ փոքր մուրճիկի հարվածների օգնությամբ տեղավորվում էր ոսկեթելը և ատամների մեջ ամրացվում: Փողի զարդարման երկրորդ եղանակը փորագիր զարդեր կատարելն էր:

Հրացանի կարևոր մասերից էր խզակոթը, որի պատրաստման համար լինագործները օգտագործում էին փայտից պատրաստված նմուշատիպը: Խզակոթ պատրաստելու համար մեծ մասամբ օգտագործվում էր զեղնասպիտակավուն շերտավոր թղկենի: Նմուշաափի օրինակով փայտը կտրում, հղկում էին, ձևավորում և ապա ներզարդարման եղանակով զարդարում արծաթյա ձևավոր տախտակներով: Երբեմն այդ զարդերը պատրաստում էին եղնիկի եղջյուրից կամ սաղաֆից, իսկ խզակոթի հատակը պատվում էր կիտի ոսկրով:



Հրացանի կենտրոնական մասը Զիֆտալարյանների պատրաստածն է, Ախլցխա, XIX դ. վերջ (ՀԳԳԹ)

Խզակոթի նախշազարդումը կատարվում էր այսպես կոչված զաբնիշանի միջոցով, որը պատրաստվում էր դեղնավուն արուլրե խողովակում եռանիստ ձողեր միմյանց կպած տեղավորելու եղանակով: Դրա լայնակի կտրվածքը ներկայացնում էր մի շրջան, ներսում եռանկյունիների շարան-զարդանախշ:

Զարդանախշմանը հաջորդում է ներկելը: Սովորաբար փայտը փոքր խոնավությունից փոշոտվում է. այդ երևույթը կանխելու համար հրացանի փայտի վրա ջուր էին քսում և չորացնում: Զորացած վիճակում քերում էին, հղկում և ապա նոր ներկում: Ներկման երկու եղանակ կար. ա) թրջված կիրը քսում էին փայտի վրա, չորացնում, ապա քերում, մաքրում ու ձեթ քսում, որի հետևանքով հրացանի փայտե մասը ստանում էր կուրմիր գույն, բ) հրացանի մակերեսը ազոտաթթվով պատելուց հետո պահում էին կրակի վրա, որից հետո փայտը ստանում էր կարմիր գույն, իսկ ձեթ քսելուց հետո՝ մուգ կարմիր:

նշված գործողությունները կատարելուց հետո ամրացվում էր խզակոթի հատակը: Փողը փայտյա մասին էր ամրացվում պտուտակների և 2—3 արծաթյա կամ դեղնավուն արուլրի օղերի միջոցով:

Ձևերը փորձարկվում էր հետևյալ կերպ. փողի մեջ լցնում էին վառոդ և արճիւն, կապում ծառից, փակաղակի կեռիկից ամրացնում երկար թել և հեռվից ձյուռ, որպեսզի խոտան հրացանը կամ կարաբինը պայթյունի ժամանակ փորձարկողին չվնասի:

Մինչև XIX դ. վերջը զինագործ վարպետները երեք խմբի էին բաժանվում. ա) փող պատրաստող վարպետ (թվանգչի), բ) փակաղակ պատրաստող վարպետ (չախմախչի), գ) փայտյա մասեր պատրաստող վարպետ (դոնդաղչի):

XX դ. սկզբին փող պատրաստելու եղանակը Հակոբ Զիֆտալարյանի հորինած նոր եղանակի շնորհիվ փոփոխության ենթարկվեց, որը շարունակվեց մինչև 1918 թ.:

Արհեստավորական էսնաֆությունները Ախլցխայում ևս ունեին իրենց կանոնադրությունը, ավանդական օրերը, սովորույթները, արհեստի հովանավորները: Միության արհեստավորներն էին որոշում հովանավորի հարցը, ձգտելով իրենց համարությունը կապել իրենց արհեստին առնչվող նշանավոր ավանդական կամ իրական գործչի, գյուտարարի, երբեմն էլ առասպելական անձնավորության հետ: Այսպես՝ արծաթագործների հովանավորն էր համարվում Բերսեղիոսը, գինեվաճառներինը՝ Արիստոտելը, պղնձագործներինը՝ ու դարբիններինը՝ Կայենի սերունդները՝ Օրելն ու Տորելը, իսկ զինագործներինը՝ (թուր պատրաստողներ, դաշյունագործներ, հրացանագործներ՝ բաղկացած երեք ենթախմբերից) Հովհան Օձնեցին¹⁵:

Այսպիսով, Կարինի զինագործությունը իր բնույթով՝ թե՛ զինագործի վարպետությամբ և թե՛ սովորություններով ունի իր յուրօրինակ կողմերը: Միանգամայն ինքնատիպ էր հրացանի, կարաբինի պատրաստման եղանակը՝ կապված Զիֆտալարյան եղբայրների անվան հետ:

Զինագործության մեջ կիրառված եղանակները, որ հատուկ էին Կարինին, երկար ժամանակ պահպանվեցին Ախլցխայում:

ОРУЖЕЙНОЕ ДЕЛО КАРИНА КОНЦА XIX—НАЧАЛА XX ВВ.

П. А. ЧИФТАЛАРЯН

Р е з ю м е

Одним из ремесел жителей Карина (Эрзерум) являлось оружейное дело. По присоединении Восточной Армении к России оружейники братья Чифталарян осели в Ахалцихе и продолжали занятие своим ремеслом, пользуясь каринской технологией и орудиями, привезенными отсюда.

Чифталаряны, передавая свое мастерство из рода в род, усовершенствовали ремесло и достигли больших успехов в изготовлении ружей и карабинов.

¹⁵ С. А. Егiazаров, Исследования по истории учреждений в Кавказе, часть II, Казань, 1891, стр. 207.